

बच्चन के ले बाइबिल  
देत है

गरीबु आदिमी,  
अमीरु आदिमी



द्वारा लिखत: Edward Hughes

द्वारा चित्र: M. Maillot; Lazarus  
Alastair Paterson

द्वारा अनुकूल: M. Maillot; Sarah S.

द्वारा अनुवाद करो गयो:

द्वारा बनाओ: Bible for Children  
[www.M1914.org](http://www.M1914.org)

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।



यीशु अइसे बहुत से धार्मिक अगुअन कौ जान्त हते जो परमेश्वर से जादा धन से मोह राखति हते। बाने उनसे दुई लोगन की हालति के बारे मा बात करी कि परमेश्वर से जादा धन से मोह करिबो कित्तो खराबु हई। स्वर्ग मा परमेश्वर के संग जिंदिगी कोई अमीरु आदिमी मोल नाइ लइ सकति हइ।




एकु अमीरु आदिमी हतो जो  
बहुतु बढिया और कीमती  
कपड़ा पहिन्दति हतो! बउ  
एक राजा किसी कपड़ा  
पहिन्दति हतो।



अमीरु आदिमी बहुतु बढिया खाति पीयति हतो। बाको हरि समय को खानु पिअनु एक बडे नियुता किसी होति हतो। बाके तीर इत्तो पाइसा हतो कि बाई जो लीबे होई बउ लइ सकति हतो, चांहइ बउ सवेरे को खाना, चांहइ बउ दुपहर को खाना, चांहइ संझा को खाना -- या फिर अइसेई खाली समइ मा कुछु खातो।



अमीर आदिमी के घर के मोहरा पइ, एकु गरीबु, बीमारु, लंघो भूखो मंगिता परो रहति हतो। बाको नाउ लाज़र हतो।



गरीबु लाज़र घाउन से भरो  
हतो। हुई सकति है कि बउ  
दुसरेन की दर्ई चोट के कटे  
निशानन के घाउन से भरो  
हतो। सायति बउ, घाउन से  
जाके मारे भरो हतो कि बाई  
दूधु, सब्जी, या गोशु के जैसो  
अच्छो खान पियन के लै  
नाइ मिल्लित हतो।



लाज़र खान  
पियन के लै  
बिलिखति  
हतो।अमीर  
आदिमी के मेज  
पइ से गिरे जूठे  
टुकड़नइ से खुश  
हुई जाति हतो।





बाई आबार कुत्तउ  
गरीब असमर्थ  
मंगिता कौ रगत  
हते। बाई सूघत  
अउरु बाके घाउन  
कौ चाटत हते।  
हियाँ लउ कि  
कोइउ बाकि  
चिंता नाइ कत्ति  
हतो, लेकिन  
लाज़र भूख से  
मत्ति हतौ।



एक सवेरे लाज़र  
सोई के उठि नाइ  
पाओ। गरिबु भूख  
से मत्ति, बिना  
दोत्तन को मंगिता  
अपनी जिंदिगी  
कौ छोडी चुको  
हतो। लाज़र मरि  
चुको हतो।



मन्न के बादि लाज़रके लै, खुशी को पलु  
आओ। यीशु ने स्वर्गदूतन कौ हुकुमु दौ कि  
इब्राहीम के संग मा रहन के लै बाई लइ जाउ।  
परमेश्वर ने लाज़र कौ तसल्ली दइ।



अब अमीरउ आदिमी की मौत हुई चुकी हती। बाके सबई रुपया पैसा  
बाई नाइ बचाई पाए। जब मौत आउति है तौऊ, बाई कोई रोकि नाइ  
पाउति हइ।



अमीर आदिमी कौ दफनाओ गओ। सायिति जऊ एकु बहुत बड़ो दफनु संस्कारू हतो। साईति उन लोगन ने अमीर आदिमी की हुसियारी और सम्पन्नता की तारीफउ करी हुई।लेकिन उन लोगन की तारीफउ बाकी मदति नाइ करि पाई। अमीरु आदिमी अब नरक मा हतो।



नरक मा अमीरु आदिमी चिल्लाओ, “हे पिता इब्राहिम, लाजर कौ पठबउ ताकि बउ अपनी उंगरिया को छोरु पानी मा बोरि के मेरी जीभ पइ धरइ ताकि मेरी तड़प शांत हुई सकइ; क्योंकि हम जा आगी मा तड़पि रहे हैं।”



“इब्राहिम ने बा अमीर आदिमी कौ  
यादि दिबाओ,” कि जब तुम धत्ति पइ  
जिन्दा हते तब तुम्हारे तीर सबु कुछु  
हतो अउरु लाजर के तीर कुछु नाइ  
हतो। “अब लाजर कौ शान्ती और  
तुमई तड़पनि है हम दोनउ के बीच  
मा बहुत बड़ी खाईयां हइ जिसइ  
कोही पार नाई करि सकति हइ।”



अमीर आदिमी ने बिनती करी, “मेरे पांच  
भइयन कौ चितौनी देन के लै लाजर कौ भेजि  
देऊ।” “हम नाइ चान्हत कि बइ अंत मा जा  
घोर पीड़ा वाली जगह मा होई।”





इब्राहीम ने उत्तर दौ, “कि तुमारे भइयन के तीर परमेश्वर को बचनु है।” अगर बई पांचउ भइया बाइबिल पइ भरोसो नहीं करि सकति हैं, तऊ अगर मरे भै लोगन म से लाजरउ जाई तहूँ बई बापइ भरोसो नहीं करिहिं।



जब यीशु ने धनी आदिमी अउरु निर्धन लाजर  
को किस्सा खतमु करो, बा बखत धार्मिक  
अगुअन ने सायिति खुदहूँ अपने आपु से पूँछी  
हुईही, “कि का हमहूँ परमेश्वर से जादा पइसा  
कौ चान्हत हंड?” अब बइ जानि गए हते कि  
परमेश्वर को वचनु नाइ पलानु करिहिँ तऊ  
उनहूँ को हालू कैसो हुई।



गरीबु आदिमी, अमीरु आदिमी  
परमेश्वर के वचन से बाइबिल की एक कहानी  
में पायी जाती है

लूका 16

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः  
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन के लिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

